

四庫全書

集部

欽定四庫全書

御定全唐詩卷四十二

盧照鄰

酬楊比部員外暮宿琴堂朝躋書閣率爾見贈

之作一作王維詩

閒拂簷塵看鳴琴候月彈
桃源迷漢姓松徑一作樹有秦

官空谷歸人少青山背日寒
羨君棲隱處遙望在一作白

雲端

劉生

劉生氣不平抱劍欲專征報恩為豪俠死難在橫行翠

羽裝刀鞘黃金飾一作鏤馬鈴一作纓但令一顧重不怯百

身輕

隴頭水

隴阪高無極征人一望一作望故鄉關河別去水沙塞斷歸

腸馬繫千年樹旌懸九月霜從來共嗚咽皆是為勤王

巫山高

巫山望不極望望下朝氛一作霧莫辨啼猿樹徒看神女
雲驚濤亂水脉驟雨暗峯文霓裳一作衣即此地况復遠
思君

芳樹

芳樹本多竒年華復在斯結翠成新幄開紅滿故一作舊
枝風歸花一作聲歷亂日度影參差容色朝朝落思君君
不知

雨雪曲

虜騎三秋入關雲萬里平雪似胡沙暗冰如漢月明高
闕銀為闕長城玉作城節旄零落盡天子不知名

昭君怨

合殿恩中絕交河使漸稀肝腸辭玉輦形影向金微

一作

歲漢地草應綠胡庭沙正飛願逐三秋雁年年一度歸

折楊柳

倡樓啟曙扉楊柳正依依鶯啼知歲隔條變識春

一作園

歸露葉凝愁黛

一作啼臉

風花亂

一作落

舞衣攀折柳將

一作將安

寄軍中音

一作書

信稀

十五夜觀燈

錦里開芳宴，蘭缸艷早年。
綉彩遙分地，繁光遠綴天。
接漢疑星落，依樓似月懸。
別有千金笑，來映九枝前。

入秦川界

隴阪長無極，蒼山望不窮。
石徑縈疑斷，回流映似空。
花開綠野霧，鶯轉紫巖風。
春芳勿遽盡，留賞故人同。

文翁講堂

錦里淹中館岷山稷下亭空梁無燕雀古壁有丹青槐
落猶疑市苔深不辨銘良哉二千石江漢表遺靈

相如琴臺

聞有雍容地千年無四鄰園院風煙古池臺松檟春雲
疑作賦客月似一作花影聽琴人寂寂啼鶯一作鳥處空傷遊

子神

石鏡寺

古墓芙蓉塔神銘一作明神松柏煙鸞沉仙鏡底花沒梵輪

前銖衣千古佛寶月兩重圓隱隱香臺夜鐘聲徹九天

辛法司

一作
司法

宅觀妓

南國佳人至北堂羅薦開長帟隨鳳管促柱送鸞杯雲
光身後落雪態掌中回到愁金谷晚不怪玉山頹

春晚山莊率題二首

顧步三春晚田園四望通遊絲橫惹樹戲蝶亂依聚竹
懶偏宜水花狂不待風唯餘詩酒意當了一生中

田家無四鄰獨坐一園春鶯啼非選樹魚戲不驚綸山

水彈琴盡風花酌酒頻年華已可樂高興復留人

江中望月

江水向洛陽澄澄寫月光鏡圓珠溜徹弦滿箭波長沈
鈎搖兔影浮桂動丹芳延照相思夕千里共霓裳

元日述懷

一作明
月引

筮仕無中秩歸耕有外臣人歌小歲酒花舞大唐春草
色迷三徑風光動四鄰願得長如此年年物候新

益州城西張超亭觀妓

落日明歌席行雲逐舞人
江前飛暮雨梁上下輕塵冶
服看疑畫粧樓望似春高車
勿遽返長袖欲相親

還京贈別

風月清江夜山水白雲朝
萬里同為客三秋契不凋
戲
皂分斷岸歸騎別高標
一去仙橋道還望錦城遙

至陳倉曉晴望京邑

拂曙驅飛傳初晴帶曉涼
霧歛長安樹雲歸仙帝鄉
澗
流漂素沫巖景靄朱光
今朝好風色延瞰極天莊

晚渡滹沱敬贈魏大

津谷朝行遠，冰川夕望曛。
霞明深淺浪，風卷去來雲。
澄波泛月影，激浪聚沙文。
誰忍仙舟上，攜手獨思君。

和吳侍御被使燕然

春歸龍塞北，騎指雁門垂。
胡笳折楊柳，漢使採燕

一作條

支戍城聊一望，花雪幾參差。
關山有新曲，應向笛中吹。

七夕泛舟二首

汀一作河葭肅徂暑，江樹起初涼。
水疑通織室，舟似泛仙

黃連橈渡急響鳴櫂下浮光日晚菱歌唱風煙滿夕陽
鳳杼秋期至鳧舟野望開微吟翠塘側延想白雲隈石
似支機罷槎疑犯宿來天潢殊漫漫日暮獨悠哉

西使兼送孟學士南遊

地道巴陵北天山弱水東相看萬餘里共倚

一作

一征

蓬零雨悲王粲清尊別孔融
裴回聞夜鶴悵望待秋鴻
骨肉胡秦外風塵關塞中
唯餘劍鋒在耿耿氣成虹

送鄭司倉入蜀

離人丹水北遊客錦城東別意還

一作客恨良

無已離憂自

不窮隴雲朝結陣江月夜臨空關塞疲征馬霜氛落早
鴻潘年三十外蜀道五千中送君秋水曲酌酒對清風

綿州官池贈別同賦灣字

輜軒遵上國仙佩下靈

一作雲

關尊酒方無地聯綬喜暫

攀離言欲贈策高辨正連環野逕浮雲斷荒池春草斑
殘花落古樹度鳥入澄灣欲叙他鄉別幽谷有綿蠻

還赴蜀中貽示京邑遊好

藥宿花初滿章臺柳向

一作尚

飛如何正此日還望

一作喜

昔多違悵別風期阻將乖雲會稀歛衽辭丹闕懸旗

一作

津

陟翠微野禽喧戍鼓春草變征衣回顧長安道關山

起夕霏

初

一作和

夏日幽莊

聞有高蹤客耿介坐幽莊林壑人事少風煙鳥路長瀑
水含秋氣垂藤引夏涼苗深全覆隴荷上半侵塘釣渚
青鳧沒村田白鷺翔知君振竒藻還嗣海隅芳

山莊休沐

一作和夏
日山莊

蘭署乘閒日蓬扉狎道棲龍柯疎玉井鳳葉下金堤川
光搖水箭山氣上雲梯亭幽聞唳鶴窗曉聽鳴雞玉軫
臨風奏瓊漿映月攜田家自有樂誰肯謝青溪

山林休日田家

歸休乘暇日饁稼返秋場徑草疏王篲巖枝落帝桑耕
田虞訟寢鑿井漢機忘戎葵朝委露齊棗一作薺夜含霜
南澗泉初冽東籬菊正芳還思北窗下高卧偃羲皇

宴梓州南亭得池字

二條開勝迹大隱叶冲規亭

一作齋

閣分危岫樓臺遶曲

池長薄秋煙起飛梁古蔓垂水鳥翻荷葉山蟲咬

一作交

桂枝遊人惜將晚公子愛忘疲願得回三舍琴尊長若
斯

山行寄劉李二參軍

萬里煙塵客三春桃李時事去紛無限愁來不自持狂
歌欲嘆一作道鳳失路反占龜草礙人行緩花繁鳥度遲

彼美參卿事留連求友詩安知倦遊子兩鬢漸如絲

首春貽京邑文士

寂寂罷將迎門無車馬聲橫琴苔山水披卷閱公卿忽
聞歲云晏倚杖出簷楹寒辭楊柳陌春滿一作鳳皇城

梅花扶院吐蘭葉遶階生覽鏡改容色藏書留姓名時
來不假問生死任交情

贈許左丞從駕萬年宮

聞道上之回詔蹕下蓬萊中樞移北斗左轄去南臺黃

山聞鳳笛

一作吹

清蹕侍龍媒
曳日朱旗卷
參雲金障開

朝參五城柳
夕宴柏梁杯
漢時光如月
秦祠聽似雷
寂寂香閣離
思獨悠哉

晚渡渭橋寄示京邑遊好

我行背城闕
驅馬獨悠悠
寥落百年事
衰回萬里憂
途遙日向夕
時晚鬢將秋
滔滔俯東逝
耿耿泣西浮
長虹掩釣浦
落雁下星洲
草變黃山曲
花飛清渭流
迸水驚愁鷺
騰沙起狎鷗
一赴清泥道
空思玄灞遊

羈卧山中

卧壑迷時代行歌任死生紅顏意氣盡白壁故交輕澗
戶無人跡山窗聽鳥聲春色綠巖上寒光入溜平雪盡
松帷暗雲開石路明夜伴飢鼯宿朝隨馴雉行度溪猶
憶處尋洞不知名紫書常日閱丹藥幾年成扣一作鐘
鳴天鼓燒香厭地精倘遇一作過浮丘鶴飄飄凌太清

酬張少府東之

昔余與夫子相遇漢川陰珠浦龍猶卧檀溪馬正沉價

重瑤山曲詞驚丹鳳林十年睽賞慰萬里隔招尋毫翰
風期阻荆衡雲路深鵬飛俱望昔蠖屈共悲今誰謂青
衣道還嘆白頭吟地接神仙澗江連雲雨岑飛泉如散
玉落日似懸金重以瑤華贈空懷舞詠心

過東山谷口

不知名利險辛苦滯皇州始覺飛塵倦歸來事綠疇
源迷處所桂樹可淹留跡異人間俗禽同海上鷗古苔
依井被新乳傍崖流野老堪成鶴山神或化鳩泉鳴碧

澗底花落紫巖幽日暮飡龜殼天寒御鹿裘不辨秦將
漢寧知春與秋多謝青溪客去去赤松遊

送幽州陳參軍赴任寄呈鄉曲父

一作老
故

薊北三千里關西二十年馮唐猶在漢樂毅不歸燕人
同黃鶴遠鄉共白雲連郭隗池臺處昭王尊酒前故人
當已老舊壑幾成田紅顏如昨日衰鬢似秋天西蜀橋
應毀東周石尚全灞池水猶綠榆關月早圓塞雲初上
雁庭樹欲銷蟬送君之舊國揮淚獨潛然

哭金部韋郎中

金曹初受拜玉地始含香
翻同五日尹遽見一星亡
賀客猶扶路哀人遂上堂
歌筵長寂寂哭位自一作蒼蒼

歲時賓徑斷朝暮雀羅張
書留魏主闕魂掩漢家牀
徒令永平帝千載罷撞郎

哭明堂裴主簿

締歡三十載通家數百年
潘楊稱代穆秦晉忝姻連
風雲洛陽道花月茂陵田
相悲共一作復相樂交騎復一作共

交筵始謂調金鼎如何掩玉泉黃公酒壚處青眼竹林
前故琴無復雪新樹但生煙遽痛蘭襟斷徒令寶劍懸
客散同秋葉人亡似夜川送君一長慟松臺路幾千

同崔錄事哭鄭員外

文學秋天遠郎官星位尊伊人表時彥飛譽滿司存楚
席光文雅瑤山侍討論鳳詞凌漢閣龜辨罩周圍已陪
東嶽駕將逝北溟鯤如何萬化盡空嘆九飛魂白馬西
京驛青松北海門夜臺無曉箭朝奠有虛尊一代儒風

沒千年隴霧昏梁山送夫子湘水弔王孫僕本多悲淚
沾裳不待猿聞君絕弦曲吞恨更無言

登玉清

絕頂橫臨日孤峰半倚天
裴回拜真老萬里見風煙

曲池荷

浮香繞曲岸圓影覆華池
常恐秋風早飄零君不知

浴浪鳥

獨舞依磐石羣飛動輕浪
奮迅碧沙前長懷白雲上

臨階竹

封霜連錦砌，防露拂瑤階。聊將儀鳳質，暫與俗人諧。

含風蟬

高情臨爽月，急響送秋風。獨有危冠意，還將衰鬢同。

葭川獨泛

倚櫂春江上，橫舟石岸前。山暝行人斷，迢迢獨泛仙。

送二兄入蜀

關山客子路，花柳帝王城。此中一分手，相顧憐無聲。

宿玄武二首

方池開曉色圓月下秋陰已乘千里興還撫一弦琴
庭搖北風柳院繞南溟禽累宿思方重窮秋嘆不深

九隴津集

落落樹陰紫澄澄水華碧復有翻飛禽
裊回疑曳鳥

遊昌化山精舍

寶地乘峰出香臺接漢高稍覺真途近方知人事勞

登封大酺歌四首

明君封禪日重光天子垂衣歷數長九州四海常無事
萬歲千秋樂未央

日觀仙雲隨鳳輦天門瑞雪照龍衣繁弦綺席方終夜
妙舞清歌歡未歸

翠鳳逶迤登介丘仙鶴裊回天上遊借問乾封何所樂
人皆壽命得千秋

千年聖主應昌期萬國淳風王化基請比上古無為代
何如今日太平時

九月九日登玄武山

九月九日眺山川歸心歸望積風煙他鄉共酌金花酒
萬里同悲鴻雁天

句

城狐尾獨束山鬼面參覃詩
式



御定全唐詩卷四十二

欽定四庫全書

集部
御定全唐詩卷四十三至六

詳校官庶吉士臣胡 鈺

主事銜臣徐坤覆勘

總校官知縣臣 繆 琪

校對官庶吉士臣 范 鏊

謄錄監生臣 呂日永

欽定四庫全書

御定全唐詩卷四十三

李百藥

李百藥字重規定州安平人七歲能屬文隋時襲父德林爵為太子通事舍人兼學士煬帝銜之奪爵還鄉里唐太宗重其名拜中書舍人授太子右庶子卒謚曰康百藥藻思沉鬱尤長五言雖樵童牧子亦皆吟諷及懸車告老穿池築山文酒譚詠以盡生平之志詩一卷

少年行

一作詞

少年飛翠蓋上路勒

一作動

金鑣

紀事文粹無此二句

始酌文君酒

新吹弄玉簫少年不歡樂何以盡芳朝

此二句一作少年子歡樂盡今

朝千金笑裏面一搦掌

一作抱

中腰挂纓

一作冠

豈憚宿落

珥

一作迎拜

不勝嬌寄語

一本無此二字

少年子無辭歸路遙

渡漢江

東流既瀾瀾南紀信滔滔水激沈碑岸波駭弄珠皋
星映淺石浮蓋下奔濤溜闌霞光近川長曉氣高
檣烏

轉輕翼戲鳥落風毛客心既多緒長歌且代勞

秋晚登古城

日落征途遠悵然臨古城頽墉寒雀集荒堞晚鳥驚蕭
森灌木上迢遞孤煙生霞景煥餘照露氣澄晚清秋風
轉搖落此志安可平

途中述懷

伯喈遷塞北亭伯之遼東伊余何為客獨守雲臺中途
遙已日暮時泰道斯窮拔心悲岸草半死落巖桐目斷

衡陽雁情傷江上楓福兮良所伏今也信難通丈夫自
有志寧傷官不公

郢城懷古

客心悲暮序登墉瞰平陸林澤窅芊綿山川鬱重複王

公

一作霸功

資設險名都拒江隩方城次北門溟海窮南服

長策挫吳豕雄圖競周鹿萬乘重沮漳九鼎輕伊穀

紀事

無此二句

大蒐雲夢掩

一作崦

壯觀章華築人世更盛衰吉凶

良倚伏遽見鄰交斷仍覩賢臣逐南風忽不競西師日

侵感運圯屬馳驅時屯恣敲朴莫救夷陵火無復秦庭
哭鄔郢遂丘墟風塵俄慘黷狐兔時遊踐霜露日霑沐
釣渚故一作曲池平神臺層宇覆陣雲埋夏首窮陰慘荒
谷悵矣舟壑遷悲哉年祀倏雖異三春望終傷千里目

晚渡江津

寂寂江山晚蒼蒼原野暮秋氣懷易悲長波淼難泝索
索風葉下離離早鴻度丘壑列夕陰葭莢凝寒霧日落
亭臯遠獨此懷歸慕一作暮

王師渡漢水經襄陽

漢漾疏源遠歸海會流長延波接荆夢通望邇沮漳高
岸沈碑影曲淑麗珠光雲昏翠島沒水廣素濤揚閱川
已多歎遐睇幾增傷臨谿猶駐馬望峴欲霑裳喬木下
寒葉亭林落曉霜山公不可遇誰與訪高陽

謁漢高廟

纂堯靈命啓滅楚餘閏

一作閏餘

終飛名膺帝錄沈

一作汎

迹

韞神功瑞氣朝浮碣祥符夜告豐抑揚駕人傑叱咤掩

時雄締構三靈改經綸五緯同干戈草宇內聲教盡寰
中運謝年逾遠魂歸道未窮樹碑留故邑抗殿表祠宮

沐蘭祈泗上

一作
上祀

謁帝動深衷英威肅如在文物杳成

空竹皮聚寒徑粉社落霜叢蕭索陰雲晚長川起大風
登葉縣故城謁沈諸梁廟

總轡臨秋原登城望寒日煙霞共掩映林野俱蕭瑟楚
塞鬱不窮吳山高漸出客行殊未已沐澡期終吉椒桂
奠芳樽風雲下虛室館宇肅而靜神心康且逸伊我非

真龍勿驚疲朽質

安德山池宴集

安德揚師
道封號

朝宰論思暇高宴臨方塘雲飛鳳臺管風動令君香細
草開金埒流霞泛羽觴虹橋分水態鏡石引菱光上才
同振藻小技謬連章懷音自蘭室徐步返山莊

和許侍郎遊昆明池

一本無
許字

神池望不

一作
北

極滄波接遠天儀星似河漢落景類虞

泉年深平館宇道泰偃戈船差池下鳧雁掩映生雲煙

浪花開已合風文直且連稅馬金堤外橫舟石岸前羽
觴傾綠蟻飛日落紅鮮積水浮深知明珠曜雅篇大鯨
方遠擊沉灰獨未然知君嘯儔侶短翮徒聯翮

賦得魏都

炎運精華歇清都寶命閒帝里三方盛王庭萬國來玄
武疏遙墜金鳳上層臺乍進仙童藥時傾避暑杯南館
招奇士西園引上才還惜劉公幹疲病清漳隈

賦禮記

玉帛資王會郊丘叶聖情重廣一作開環堵至道軼金

籛盤薄依厚地遙裔騰太清方悅升中禮足以慰餘生

奉和正日臨朝應詔

化歷昭唐典承天順夏正百靈警朝禁一作三辰揚旆

旌充庭富禮樂高讌齒簪纓獻壽符萬歲移風韻九成

妾薄命

團扇秋風起長門夜月明羞聞拊背入恨說舞腰輕太

常先一作已醉劉君恒帶醒橫陳每虛設吉夢竟何成

應

火鳳詞二首

歌聲扇後

一作裏

出妝影鏡

一作扇

中輕未能令掩笑何處

欲障聲知音自不惑得念是分明莫見雙嚙斂疑人含
笑情

佳人靚晚妝清唱動蘭房影出

一作入

含風扇聲飛照日

梁嬌嚙暑際斂逸韻口中香自有橫陳會
夜長

一作分

應憐秋

奉和初春出遊應令

鳴笳出望苑飛蓋下芝田水光浮落照霞彩淡輕煙柳
色迎三月梅花隔二年日斜歸騎動餘興滿山川

寄楊公

公子盛西京光華早著名分庭接遊士虛館待時英高
閣浮香出長廊寶釧鳴面花無隔笑歌扇不障聲

戲贈潘徐城門迎兩新婦

秦晉稱舊匹潘徐有世親三星宿已會四德婉而嬪雲
光鬢裏薄月影扇中新年華與妝面共作一芳春

送別

春言一杯酒，悽愴起離憂。
夜花飄露氣，暗水急還流。
雁行遙上月，蟲聲迴映一作應。
秋明日一作月，河梁上誰與論。

仙舟

雨後

晚來風景麗，晴初物色華。
薄雲向空盡，輕虹逐望斜。
後窗臨岸竹，前堦枕浦沙。
寂寥無與晤，尊酒論一作對。
風花

文德皇后挽歌

裴回兩儀殿，悵望九成臺。
玉輦終辭宴，瑤筐遂不開。
野曠陰風積，川長思鳥來。
寒山寂已暮，虞殯有餘哀。

詠蟬

清心自飲露，哀響乍吟風。
未上華冠側，先驚翳葉中。

詠螢火示情人

窗裏憐燈暗，堦前畏月明。
不辭逢露濕，祇為重宵行。

春眺

疲痾荷拙患，淪躋合幽襟。
栖息在何處，丘中鳴素琴。

句

今日持團扇非是為秋風

賦得班去趙姬
升見詩式

御定全唐詩卷四十三

欽定四庫全書

御定全唐詩卷四十四

劉禕之

劉禕之字希美常州晉陵人少以文藻知名上元中為左史弘文館直學士與元萬頃等皆召入禁中論次新書又密令叅決時政以分宰相權時謂北門學士則天時拜中書侍郎同中書門下三品及官名改易為鳳閣侍郎同鳳閣鸞臺三品垂拱中賜死集七十卷今存詩

五首

奉和太子納妃太平公主出降

時咸亨四年

夢梓光青陞穠桃藹紫宮
德優宸念遠禮備國姻崇
萬戶聲明發三條騎吹通香輪
送重景綵旆引仙虹

奉和別越王

周屏辭金殿梁駮整玉珂
管聲依折柳琴韻動流波
鶴蓋分陰促龍軒別念多
延襟小山路還起大風歌

酬鄭沁州

麒閣一代良熊軒千里躅緝圖昭國典按部留宸矚匪
厭承明廬佇燕司隸局芸書暫輟載竹使方臨俗節變
風緒高秋深露華溽寒山斂輕靄霽野澄初旭已切一作
覺
長年悲誰堪岐路促遙林征馬迅別館嘶驂跼雅贈
響縱金索居睽倚玉悽斷離鴻引勞歌思足曲

孝敬皇帝挽歌

上元二年追謚太子弘為孝敬皇帝

戒奢虛蜃輅錫號紀鴻名地叶蒼梧野途經紫聚城重
照掩寒色晨飈斷曙聲一隨仙驥遠霜雪愁陰生

九成宮秋初應詔

帝

一作懸

圃疏金闕仙臺駐玉鑿野分鳴鶯岫路接寶雞

壇林樹千霜積山宮四序寒蟬急知秋早鶯疎覺夏闌
怡神紫氣外凝睇白雲端舜海詞波發空驚遊聖難

李敬玄

李敬玄亳州譙人博覽羣書特善五禮貞觀末高宗在
東宮以馬周薦召入崇賢館侍讀歷西臺侍郎檢校司
列常伯典銓有序選者歲萬餘人每於街衢見之無不

知其姓名時人服其強記儀鳳中為中書令劉仁軌奏
鎮河西敬玄自知非邊將才上強遣之敗於湟州坐貶
集三十卷今存詩二首

奉和別魯王

高祖子靈夔
歷五州刺史

綠車旋楚服丹蹕佇秦川珠臬轉歸騎金岸引行旃一
朝限原隰千里間風煙鶯喧上林谷

一作右

鳧響御溝泉

一作前

斷雲移魯蓋離歌動舜弦別念凝神宸崇恩洽玳

筵顧惟慙叩寂徒自仰鈞天

奉和別越王

太宗子貞則天
時為豫州刺史

飛蓋迴蘭坂宸襟佇柏梁別館分涇渭歸路指衡漳關
山通曙色林籟徧春光帝念紆千里詞波照五潢

張大安

張大安魏州繁水人公謹之子上元中歷太子庶子同
中書門下三品時童懷太子令與劉訥言等同注范曄
後漢書後貶普州刺史終橫州司馬詩一首

奉和別越王

盛藩資右戚連萼重皇情
離襟愴睢苑分途指鄴城
麗日開芳向佳氣積神京
何時駉駕入還見謁承明

元萬頃

元萬頃洛陽人後魏景穆皇帝之裔起家通事舍人乾
封中從英國公李勣征高麗令作檄文萬頃譏其不知
守鴨綠之險莫離支報曰謹聞命矣遂移兵守鴨綠兵
不得入坐流嶺外遇赦還為北門學士則天時遷鳳閣
侍郎坐與徐敬業兄弟友善貶死詩四首

奉和太子納妃太平公主出降

象輅初乘雁璇宮早結褵離元應春夕帝子降秋期鳴

瑜合清

一作薦

響冠

一作比

玉麗穠姿和聲躋鳳掖文影步

鸞輝

奉和春日池臺

日影飛花殿風文積草池鳳樓通夜敞虬輦望春移

奉和春日二首

花輕藥亂仙人杏葉密鶯喧帝女桑飛雲閣上春應至

明月樓中夜未央

此首一作
上官儀詩

鳳輦迎風乘紫閣
鸞車避日轉彤闈
中堂促管淹春望
後殿清歌開夜扉

郭正一

郭正一定州鼓城人
貞觀中舉進士
累轉中書舍人
弘文館學士
永隆二年遷秘書少監
檢校中書侍郎
與魏玄同郭待舉並同中書門下平章事
宰相以平章事為名
自正一等始也
則天時出為晉州刺史
後為酷吏所

陷竄死嶺南詩一首

奉和太子納妃太平公主出降

桂宮初服冕蘭掖早升筭禮盛親迎晉聲芬出降齊金

龜開瑞鈕寶翟上仙桂一作梯轉扇承宵月揚旌照夕蜺

胡元範

胡元範申州義陽人介廉有才則天時為鳳閣侍郎坐
救裴炎流死雋州詩三首

奉和太子納妃太平公主出降三首

別本作一首

帝子威儀絕儲妃禮度優疊鼓陪仙觀凝笳翼畫輶鬱
鬱神香滿弄奕彩雲浮排空列錦罽騰歡溢皇州

金闈未息火玉樹鍾天愛月路飾還裝星津動歸佩紫
極流宸渥清規佇慈誨恩波洽九流光輝軼千載

列席詔親賢式宴坐神仙聖文飛聖筆天樂奏鈞天曲
池涵瑞景文字孕祥煙小臣同百獸率舞悅堯年

任希古

一作知古
一作奉古

任希古字敬臣棣州人五歲喪母刻志從學年十六刺

史崔樞欲舉秀才自以學未廣遜去後舉孝廉虞世南
器之永徽初與郭正一崔融等同為薛元超所薦終太
子舍人詩六首

奉和太子納妃太平公主出降

帝子陞青陞王姬降紫宸星光移雜珮月彩薦重輪龍
旌翻地杪鳳管颺天濱槐陰浮淺瀨葆吹翼輕塵

和東觀羣賢七夕臨泛昆明池

秋風始搖落秋水正澄鮮飛眺牽牛渚激賞鏤鯨川岸

珠淪曉魄池
夾斂曙煙泛
查分寫

一作瀉

漢儀星別構

一作

架天雲光波處動日影浪中懸
鷺鴻絳蒲弋遊鯉入莊
荃萍葉疑江上菱花似鏡前
長林代輕幄細草即芳筵
文峰開翠瀲筆海控清漣
不挹蘭樽聖空仰桂舟仙

和左僕射燕公春日端居述懷

豐野光三傑
媯庭贊五臣
綈緗歌美譽
絲竹詠芳塵
聖歷開環象
昌年降甫申
高門非捨築
華構豈垂綸
鳳邸搏霄翰
龍池躍海鱗
玉鼎昇黃閣
金章謁紫宸
禮闈通

政本文昌總國均調風振薄俗清教敘彞倫星迴應緹
管日御警寅賓葉上曾槐變花發小堂春思挂五

一作東

都冕言訪北山中赫赫容臺上千祀耀平津

和長孫祕監伏日苦熱

玉署三時曉金羈五日歸北林開逸徑東閣敞閒扉池
鏡分天色雲峰減日輝游鱗映荷聚鷺翰繞林飛披襟
楊子宅舒嘯仰重闈

和李公七夕

謝惠連體

落日照高牖涼風起庭樹悠悠天宇平
昭昭月華度開軒卷綃幕延首晞雲路
層漢有靈妃仙居無與晤履化悲流易
臨川怨遲暮昔從九春徂方此三秋遇
瑤駕越星河羽蓋凝珠露便妍耀井色
窈窕凌波步始閱故人新俄見新人故
掩淚收機石銜啼褰紉素惆悵何傷已
裴回勞永慕無由西北歸空自東南顧

和長孫祕監七夕

三秋叶神媛七夕望仙妃影照河陽妓
色麗平津闈鵲

橋波裏出龍車宵外飛露泣低珠佩雲移薦錦衣更深
黃月落夜久靨星稀空接靈臺下方慙辨支機

裴守真

裴守真絳州人高宗時為太常博士天授中官司憲府
丞令推究詔獄多平恕不稱旨出刺成州徙寧州卒詩
三首

奉和太子納妃太平公主出降三首

別本作一首

瑜珮升青殿攬華降紫微還如桃李發更似鳳皇飛金

屋真離象瑤臺起
發微綵纓紛碧坐
績羽泛禴衣

雲路移彤輦天津轉明鏡
仙珠照乘歸寶月重輪映望
園嘉宴洽主第歡娛盛
絲竹揚帝熏簪裾奉宸慶

藜雲靄曉光湛露晞朝陽
天文天景麗睿藻睿詞芳
玉庭散秋色銀宮生夕涼
太平超邃古萬壽樂無疆

楊思玄

楊思玄師道兄子高宗時為吏部侍郎國子祭酒詩二

首

奉和聖製過温湯

豐城觀漢迹温谷幸秦餘地接幽王壘塗分鄭國渠風
威肅文衛日彩鏡雕輿遠岫凝氛重寒叢對影踈迴瞻
漢章闕佳氣滿宸居

奉和別魯王

元王詩傳博文后寵靈優鶴蓋動宸眷龍章送遠游函
關疏別道灞岸引行舟北林分苑樹東流溢御溝鳥聲
含羽碎騎影曳花浮聖澤九垓普天文七曜周方圖獻

雅樂箏帶奉鳴球

王德真

一作
貞

王德真武后時為納言又為侍中後以罪流象州詩一
首

奉和聖製過温湯

握圖開萬寓屬聖啟千年驪阜疏緹騎驚鴻映綵旃玉
霜鳴鳳野金陣藻龍川祥煙聚危岫德水溢飛泉停輿
興睿覽還舉大風篇

鄭義真

鄭義真高宗時人詩一首

奉和聖製過温湯

洛川方駐蹕豐野暫停鑿湯泉恒獨涌温谷豈知寒漏
鼓依巖畔相風出樹端嶺煙遙聚草山月迴臨鞍日用
誠多幸天文遂仰觀

蕭楚材

蕭楚材高宗時為太常博士詩一首

奉和展禮岱宗塗經濮濟

拂漢星旗轉分霄日羽明將追會阜迹更勒岱宗銘林
戈咽濟岸獸鼓震河庭葉箭凌寒矯烏弓望曉驚已降
汾水作仍深迎渭情

薛克

一作
堯構

薛克構天授中官至麟臺監詩一首

奉和展禮岱宗塗經濮濟

龍圖冠胥陸鳳駕指云亭非煙泛濟浦綠字啟河汀畫

裳晨應月文戟曙分星四田巡揖禮三驅道契經行欣
奉萬歲竊拚偶千齡

徐珩

徐珩高宗時人詩一首

日暮望涇水

道源徑隴阪屬汭貫羸都下瀨波常急迴圻溜亦紆毒
流秦卒斃泥糞漢田腴獨有迷津客懷歸軫暮途

賀遂亮

賀遂亮官御史詩一首

贈韓思彥

唐新語云遂亮與思彥同在憲臺欽思彥之風韻贈詩

意氣百年內平生一寸心
欲交天下士未面已虛襟
君子重名義直道冠衣簪
風雲行可託懷抱自然深
落霞靜霜景墜葉下風林
若上南登岸希訪北山岑

韓思彥

韓思彥與賀遂亮同官御史高宗時待詔弘文館上元

中卒詩一首

酬賀遂亮

古人一言重嘗謂百年輕今投歡會面顧盼盡平生簪
裾非所託琴酒冀相併累日同游處通宵款素誠霜飄
知柳脆雪冒覺松貞願言何所道幸得歲寒名

魏求已

魏求已官御史謫山陽丞詩一首

自御史左授山陽丞

朝昇照日檻夕次下烏臺風竿一眇邈月樹幾裴回翼

向高標斂聲隨下調哀懷燕首自白非是為年催

劉懷一

劉懷一瀛州司法拜右臺殿中侍御史詩一首

贈右臺監察鄧茂遷左臺殿中

惟昔參多士無雙仰異才鷹鷂同效逐鷓鴣忝游陪
入仕光三命遷榮歷二臺隔墻欽素躅對問限清埃紫署
春光早蘭闈曙色催誰言夕鳥至空想鄧林隈

御定全唐詩卷四十四

欽定四庫全書

御定全唐詩卷四十五

杜易簡

杜易簡襄州襄陽人九歲能屬文及長博學有高名姨
兄岑文本推重之登進士第累轉殿中侍御史咸亨中
為考功員外郎坐黨裴行儉左遷開州司馬集二十卷
存詩二首

湘州新曲二首

昭潭深無底橋洲淺而浮本欲凌波去翻為目成

一作挑

留願君稍弭楫無令賤妾羞

二八相招攜米菱渡前谿弱腕隨橈起纖腰向舸低自
解者花笑憎聞染竹啼

陳元光

陳元光字廷炬光州人高宗朝以左郎將戍閩進嶺南
行軍總管奏開漳州為郡世守刺史詩三首

落成會詠一首

泉潮天萬里一鎮屹天中
筮宅龍鍾地承恩燕翼宮
環堂巍嶽秀帶礪大江雄
輪奐雲霄望晶華日月通
凌煙喬木茂獻寶介圭崇
昆俊歌棠棣民和教即戎
盤庚遷美土陶侃效兼庸
設醴延張老開軒禮呂蒙
無孤南國仰庶補聖皇功

示珣

元光子也

恩銜楓陛渥策向桂淵
弘載筆沿儒習持弓纘
祖風祛灾勩猛虎溥德
翊飛龍日閱書開士星
言駕勸農勤勞

思命重戲誕逐時空百粵霧紛滿諸戎澤普通願言加
壯努勿坐鬢霜蓬

太母魏氏半徑題石

喬岳標仙蹟元扃安壽姬烏號非嶺海鶴仰向京師繫
牒公侯裔懸弧將相兒清貞蜚簡籍規範肅門楹萬里
提兵路三年報母慈劔埋龍守壤石卧虎司碑憂闕情
猶結祥回禫屆期竹符忠介凜桐杖孝思淒許史岫嶙
篆曹侯感舊詩鴻濛山暝啟駿彩德昭垂華表瑤池冥

清漳玉樹枝
昭題盟岳瀆
展墓慶重熙

許天正

許天正汝南人為陳元光副使博學能文歷宣威將軍

詩一首

和陳元光平潮寇詩

元光贈詩云參軍許天正
是用紀邦勛天正和之

抱磴從天上
驅車返嶺東
氣昂無醜虜
策妙誣羣雄
飛絮隨風散
餘氛向日鎔
長戈收百甲
聚騎破千重
落劍惟戎首
游繩繫脅從
四野無堅壁
羣生未化融
龍湖膏

澤下早晚徧枯窮

許圜師

許圜師安陸人有器幹博涉藝文舉進士顯慶中累遷黃門侍郎同中書門下三品四遷為左相坐事貶刺史更有犯贓圜師賜清白詩以激之遂改節為廉士其寬厚如此詩一首

詠牛應制

逸足還同驥竒毛自偶麟欲知花跡遠雲影入天津

趙謙光

趙謙光咸亨中登進士第自彭州司馬入為大理正遷
戶部郎中詩一首

答戶部員外賀遂涉戲贈

唐時郎中不自員外
拜者謂之土山頭故

遂涉戲謙光曰員外由來美郎中望亦
優寧知粉署裏翻作土山頭謙光答之

錦帳隨情設金爐任意熏惟愁員外署不應列星文

鄭惟忠

鄭惟忠宋州人儀鳳中舉進士則天召見稱旨授曹曹

參軍再遷鳳閣舍人中宗即位拜黃門侍郎守大理卿
推斷大獄多所全活開元初為禮部尚書太子賓客詩
一首

送蘇尚書赴益州

離憂將歲盡歸望逐春來庭花如有意留艷待人

一作君

開

張鷟

張鷟字文成深州深澤人兒時夢紫色大鳥五彩成文

降於家庭其祖謂之曰五色赤文鳳也紫文鸞鷟也為
鳳之佐吾兒當以文章瑞於明廷因以為名字調露中
登進士第八中制科四參選判員半千謂人曰張子之
文如青錢萬簡選中未聞退時因號青錢學士開元中
歷司門員外郎其文遠播外夷撰朝野僉載及龍筋鳳
髓判百道詩一首

詠燕

變石身猶重銜泥力尚微從來赴甲第兩起一雙飛

唐按

新語此是末章非全篇也

李福業

李福業調露二年進士登第後為侍御史五王誅二張亦與謀及敗放於番禺匿志州參軍敬元禮家吏獲之就刑詩一首

嶺外守歲

一作李德裕詩

冬去更籌盡春隨斗柄回寒暄一夜隔客鬢兩年催

薛春感

薛春惑善投壺背後投之龍躍隼飛百發百中時推為
絕藝詩一首

奉和進船洛水應制

一作孫
逖詩

禁園紆睿覽仙擢叶宸

一作
時

遊洛北風花樹江南彩畫

舟滌

一作
芳

生蘭蕙草春入鳳皇樓興盡離宮暮煙光起

夕流

賀啟

賀啟山陰人歷官率更令宗文館學士詩一首

奉和九月九日應制

商飈凝素籥元覽賁黃圖
曉霜鷺斷雁晨吹結栖一作相

烏寒花低岸菊涼葉下庭
梧澤宮申舊典相圓叶前模
玉砌分雕戟金溝轉鏤衢
帶星飛夏箭映月上軒弧
慶展簪裾洽恩融雨露濡
天文發丹篆寶思掩玄珠
承歡徒抃舞負弛竊忘軀

御定全唐詩卷四十五

欽定四庫全書

御定全唐詩卷四十六

狄仁傑

狄仁傑字懷英并州太原人舉明經授汴州判佐儀鳳
中為大理丞斷滯獄萬餘人遷侍御史歷冬官侍郎充
江南巡撫使奏毀淫祠天授初轉地官侍郎判尚書同
鳳閣鸞臺平章事後為河北道元帥還授內史卒贈文
昌右相仁傑急於舉賢所引拔桓彥範姚崇等至公卿

者數十人又嘗薦張柬之於武后以為有宰相才卒用為相果能迎歸中宗興復唐室仁傑之力也睿宗時追封梁國公詩一首

奉和聖製夏日遊石淙山

石淙山在今河南登封縣東南三十里有

天后及羣臣侍宴詩并序刻北崖上其序云石淙者即平樂礪其詩天后自製七言一首侍遊應制皇太子顯右奉裕率兼檢校安北大都護相王旦太子賓客上柱國梁王三思內史狄仁傑奉宸令張易之麟臺監中山縣開國男張昌宗鸞臺侍郎李嶠鳳閣侍郎蘇味道夏官侍郎姚元崇給事中閻朝隱鳳閣舍人崔融奉宸大夫汾陰縣開國男薛曜守給事中徐彥伯右王

鈴衛郎將左奉宸內供奉楊敬述司封員外于
季子通事舍人沈佺期各七言一首薛曜奉勅
正書刻石時久視元年五月十九日也按此事
新舊唐書俱未之載世所傳詩亦缺而不全今
從碑刻補
入各集中

宸暉降望金輿轉仙路崢嶸碧澗幽羽仗遙臨鸞鶴駕
帷宮直坐鳳麟洲飛泉灑液恒疑雨密樹含涼鎮似秋
老臣預陪懸圃宴餘年方共赤松遊

魏元忠

魏元忠宋州人初為太學生累舉不調時有左史蓋屋

人江融撰九州設險圖備載古今用兵成敗之事元忠就傳其術儀鳳中上封事馭吐蕃授秘書正字則天時以平徐敬業功擢司刑後拜鳳閣侍郎同平章事獨不附二張中宗朝遷中書令以預節愍太子誅武三思謀貶渠州司馬詩二首

修書院學士奉勅宴梁王宅

賦得
門字

大君敦宴賞萬乘下梁園酒助閑平樂人霑雨露恩榮光開帳殿佳氣滿旌門願陪南岳壽長奉北宸樽

銀潢

漢一作

宮侍宴應制

得枝字

別殿秋雲上離宮夏景移
寒風生玉樹涼氣下瑤池
塹花仍吐葉巖木

一作
苗

尚抽枝願奉南山壽
千秋長若斯

韋承慶

韋承慶字延休鄭州陽武人
事繼母以孝聞舉進士官
太子司議屢有諫納長壽中
累遷鳳閣侍郎三掌天官
選事銓授平允尋知政事
神龍初坐附張易之流嶺表
起為秘書少監授黃門侍郎
未拜卒集六十卷今存詩

七首

折楊柳

萬里邊城地三春楊柳節
葉似鏡中看花如關外雪
征人遠鄉思倡婦高樓別
不忍擲年華含情寄攀折

寒食應制

鳳城春色晚一作滿龍禁早暉通
舊火收槐燧餘寒入桂

宮鶯啼正隱葉雞鬪始開
籠藹藹瑤山滿仙歌始樂風

凌朝浮江旅思一作馬

周詩

天晴上初日春水送孤舟山遠疑無樹潮平似不流
岸花開且落江鳥沒還浮羈望傷千里長歌遣四一作容愁

直中書省

清切鳳皇池扶疎雞樹枝唯應集鸞鷲何為宿羈雌大
造乾坤闕深恩雨露垂昆蚊皆含養駑駘亦驅馳木偶
翻為用芝泥忽濫窺九思空自勉五字本無施徒喜逢
千載何階荅二儀螢光向日盡蚊力負山疲禁宇庭除
潤閒宵鐘箭移暗花臨戶發殘月下簾欹白髮隨年改

丹心為主披命將時共泰言與行俱危寄謝巢由客堯

年正

一作復

在斯

南行別弟

澹澹長江水悠悠遠客情落花相與恨到地一無聲

南中詠雁

一作于季子詩
題作南行別弟

萬里人南去三春

一作秋

雁北飛不知何歲月得與爾

一作

汝
同歸

江樓

獨酌芳春酒登樓已半曛誰驚一行雁衝斷過江雲

李懷遠

李懷遠邢州柏仁人擢四科第累除司禮少卿則天時
為鸞臺侍郎神龍初兵部尚書同中書門下三品集八
卷今存詩一首

凝碧池侍宴看競渡應制

上苑清鑾路高居重豫遊前對芙蓉沼傍臨杜若洲地
如玄扈望波似洞庭秋列筵飛翠箏分曹戲鷓舟湍高

權影沒岸近榜歌道舞曲依鸞殿簫聲下鳳樓忽聞天
上樂疑逐海查流

崔日用

崔日用滑州靈昌人進士舉大足元年為宗楚客稱薦
擢新豐尉神龍中附楚客三思驟遷兵部侍郎兼修文
館學士復預討韋庶人謀授黃門侍郎參知機務開元
中拜吏部尚書終并州大都督長史詩九首

奉和九月九日登慈恩寺浮圖應制

紫宸歡每洽紺殿法初隆菊泛延齡酒蘭吹解愠風咸
英調正樂香梵徧秋空臨幸浮天瑞重陽日再中

奉和聖製送張說巡邊

軒相推風后周官重夏卿廟謀能允迪韜略又縱橫吉
日四黃馬宣王六月兵擬清雞鹿塞先指朔方城列將
懷威撫匈奴畏盛名去當推轂送來佇出郊迎絕漠蓬
將斷華筵槿正榮壯心看舞劍別緒應懸旌睿錫承優
旨乾文復寵行暫勞期永逸赫矣振天聲

奉和立春遊苑迎春應制

乘時迎氣正璿衡灞滻煙氛向晚

一作曉

清剪綺裁紅妙

春色宮梅殿柳識天情瑤筐綵燕先呈瑞金縷晨雞未

學

一作欲

鳴聖澤陽和宜宴樂年年捧日向東城

奉和聖製春日幸望春宮應制

東郊風

一作草

物正熏馨素滻鳧鷺戲綠汀鳳閣斜通平

一作長

樂觀龍旂直逼望春亭光風搖動

一作遙

蘭英紫淑

氣

一作景

依遲柳色青渭浦明晨修禊事羣公傾賀水心

銘

奉和人日重宴大明宮恩賜綵縷人勝應制一作

正月七日
宴大明殿

新年宴樂坐一作東朝鐘鼓鏗鏗大樂調金屋瑤筐開

寶勝花箋綵筆頌春椒曲池一作苔色冰前液上苑梅

香雪裏嬌一作宸極此時飛聖藻微臣竊抃預聞韶

奉和聖製龍池篇

龍興白水漢興符聖主時乘運斗樞岸上羊茸五花樹

波中的樂千金珠操環昔聞迎夏啓發匣先來瑞有虞
風色雲光隨隱見赤雲神化象江湖

夜宴安樂公主宅

銀燭金屏坐碧堂只言河漢動神光主家盛時一作明歡
不極才子能歌夜未央

餞唐永昌

洛陽桴鼓今不鳴朝野咸推重太平冬至冰霜俱怨別
春來花鳥若為情

奉和送金城公主適西蕃

聖后經綸遠謀臣計畫多受降追漢策築館計戎和俗
化烏孫壘春生積石河六龍今出餞雙鶴願為歌

句

彼名流兮左氏癖意玄遠兮冠今夕

贈武平一

宗楚客

宗楚客字子敖蒲州河東人則天從父姊之子也累遷
夏官侍郎同鳳閣鸞臺平章事神龍中武三思引為兵

部尚書同知政事拜中書令與侍中紀處訥共為朋黨
後伏誅詩六首

奉和人日清暉閣宴羣臣遇雪應制

景龍三年

窈窕神仙閣參差雲漢間九重中葉

一作禁

啓七日早春

還太液天為水蓬萊雪作山今朝上林樹無處不堪攀

安樂公主移入新宅侍宴應制

景龍三年十一月一日

星橋他日劒仙榜此時開馬向鋪錢埽簫聞弄玉臺人

同一作疑衛叔美容似一作是長卿才借問遊天漢誰能

取一作帶石回

正月晦日侍宴瀍水應制賦得長字

景龍四年

御輦出明光乘流一作舟泛羽觴珠胎隨月減玉漏與年

長寒盡梅猶白風遲柳未黃日斜旌騎轉休氣滿一作展

林塘

奉和幸上陽宮侍宴應制

紫庭金鳳闕丹禁玉雞川似立蓬瀛上疑遊崑閬前鳥
將歌合轉花共錦爭鮮湛露飛堯酒熏風入舜弦水光

搖落日樹色帶晴煙向夕迴
瑤輦佳氣滿巖泉

奉和辛安樂公主山莊一作西園應制

玉樓銀榜枕巖城翠蓋紅旂列
禁營日映層巖圖畫色

風搖雜樹管弦聲水邊重閣含
飛動雲裏孤峰類一作似

削成幸覩八龍遊閭苑一作幸陪七聖遊崑閭無勞萬里訪蓬瀛

奉和聖製喜雪應制

飄飄瑞雪下山川散漫輕飛集
九埏似絮還飛垂柳陌
如花更繞落梅前影隨明月團
紈扇聲將流水雜鳴弦

共荷神功萬庾積終朝聖壽百千年

句

竹町羅千衛蘭萼降兩宮

以下並應制
海錄碎事

七萃鑿輿動

千年瑞檢開

綵旗臨鳳闕翠幕遶龜津

蘇瓌

蘇瓌字昌容京兆武功人弱冠舉進士初授豫王府錄
事參軍為王德真劉禕之所器重長安中累遷揚州大
都督長史神龍初入為尚書右丞再遷戶部尚書尋加

侍中充西京留守拜尚書右僕射同中書門下三品進
封許國公睿宗立轉左僕射以正立朝獨申讜論開元
中詔與劉幽求配享睿宗廟庭集十卷今存詩二首


奉和九日幸臨渭亭登高應制得暉字

重陽早露晞睿賞瞰秋磯菊氣先熏酒萸香更襲衣清
切絲桐會縱橫文雅飛思深荅效淺留醉奉宸暉

興慶池侍宴應制

金闕平明宿霧收瑤池式宴俯清流瑞鳳飛來隨帝輦

祥魚出戲躍王舟
惟齊綠樹當筵密
蓋轉緗荷接岸浮
如臨竊比微臣懼
若濟叨陪聖主遊



御定全唐詩卷四十六